



^ 16
2793
7



16
2793
7

空同子集

卷之三十

北郡李夢陽撰 東莞鄧雲霄欽潘之恒蒐校

詩類七之二 七言律

郊齋逢人日有懷邊何二子

夏日過序公 過馬陟次毛庶子韻

章氏芳園餞朱應登

訪何職方孟春新居

送殷進士病免歸 別徐子禎卿得江字

追舊寄徐子 過李氏荷亭會何子

酬儲太僕見贈 答太僕儲公見贈

空同子集 卷三十

昭和十九年
六月十八日
購本

病間聞何舍人夢故山有感

雨中憶張大夫園亭

解官親友攜酒來看

送王照磨省覲

寄徐子

寄徐編脩縉

九日寄何舍人景明

冬齋宴丘翁林亭

立春遇雪柬孫君二首

送張訓導棄官為母

早春酬內弟璣

早春郊園贈別

生日答李濂秀才

過內弟宅感詠

積雨鄭左二子晚宴

送王生還里

逢泰公門徒因寄

寄華韶州

贈鄭庚

北行家兄與內弟玉實間行遠緩急即如雷霆

之下魂魄並褫矧又如饑渴

寄答內弟璣九日繁臺見憶

喬太卿宇宅夜別

別都主事穆奔喪歸

夜別王檢討九思

宿江氏

穀日酬鄭屠二省使攜酒見訪

滕閣訪屠子感贈

兩秋友人見過有贈

較射畢青雲峰示諸生

發南浦贈人

江上逢羅通政

清江彭君幽居

題嚴編脩東堂新成

泰和南行羅通政舟送

寄孟洋謫桂林教授

南康至日送韓訓導赴湖州推官

仰頭遇友夜泊感贈

龍沙餞胡子還城 別太華君

贈何君遷太僕少卿

夏日赴監察許君之宴同張監察

柬趙訓導二首

酬和許監察九日對菊之作

酬和李子夏日遊天王寺見贈

喜鄭生至自京師傳崔陸徐何諸人消息

繁臺冬日喜鄭生歸集

正月二日臺卿李公監察毛公袁公枉駕而顧

毛歸有作輒次其韻二首

和毛監察秋登明遠樓之作

雪後因酒和王左史

柬邊子變前韻

仲春繁臺飲餞醉歸口占呈陳邊二使君

春日過遂平將軍第同李尹

限韻贈黃子

贈王推官相國之子

高門堤陳氏別業夏集

右次贈酬七十首

七言律二

贈酬一

郊齋逢人日有懷邊何二子

今日今年風日動苑邊新柳弱垂垂齋居寂寞難乘興獨立蒼茫有所思谷暖遷鶯啜太早雲長旅鴈故多邊鳳池仙客容臺彥兩處傷春爾爲誰

夏日過序公

炎天樓殿蔭空扉永晝雲林孤鳥飛病起出門風色異獨來清坐老僧依撲簾花片疑紅雪解帶藤蘿映紫衣萬事回頭誰得問但逢心賞莫教違

過馬陟次毛庶子韻

冉冉輕雷止復行鳳池清夏半陰晴漸看西日籠花氣誰放南風作雨聲融入塹沙將拂燕密侵宮柳益霑鶯晚來一赴薇郎約匹馬衝泥遠興生

章氏芳園餞朱應登

細雨林塘花可憐况有美酒斗十千見日玄蟬元嘒

西廂集 四
嘒含風綠篠自娟娟朝廷豈料更新主塵世難逢感
昔年縱倒芳尊不成醉別懷憂緒兩淒然

訪何職方孟泰新居二首

去年聞汝在郴州對酒時常使我憂無客解題鸚鵡
賦同誰出入鳳凰樓瀟湘夢澤今虛遠易水燕山不
斷遊舊雨休嗟車馬伴卜隣先近李膺舟

其二

街北小堂卜築深離離竹檻稱幽吟不爭鵝鴨嫌隣
舍旋置琴尊見客心呼雨乳鳩仍暫止定巢新燕故
相尋層軒更許消清暑露頂同依嘉樹林

送殷進士病免歸

魯川西流石齒齒川上茅堂千樹林春行不費風雪
詠日暮聊爲梁父吟南瞻岱嶽雲峯峻東訪滄溟煙
霧深司馬豈緣封禪病任公終有羨鰲心

別徐子禎卿得江字

我愛南州徐孺子明瑤美璧世無雙新從北極看南
極便自吳江下楚江日落鷓鴣啼廟口水清斑竹映
船窓禰衡王粲俱黃土千載何人復此邦

追舊寄徐子

憶昔逢君雪滿途遙憐爲客向江湖看碑定憶年開

府作賦先投楚大夫日黑魚龍逐夢澤草青麋鹿上
姑蘇空揮玉軫思流水不得驂騮見過都

過李氏荷亭會何子

三伏尋花到習池幽懷真與故人期出波菡萏晴相
並度檻流螢晚故遲他日宴游能此地向來開落果
由誰亦知塵世難逢醉且把芳筒當酒卮

酬諸太僕見贈

抱病逢春無那春雪晴雲氣相鮮新經旬不出惱官
長束帶何由朝大賓豈謂煙霄無勁翮欲從江海訪
遺珍商歌日暮悲風起索處應慙扣角人

答太僕儲公見贈

淮海先生海鶴姿年來何事鬢成絲安危異日須公
等文雅于今是我師縱有孫陽難遇馬誰言安石但
能棊桂枝偃蹇空山裏旅病逢春故國思

病間聞何舍人夢故山有感

我逢新歲兼新病君夢故園登故山木杪啼猿行問
訊枕邊流水莫潺湲深春古廟同誰往絕壁孤雲只
自攀悵恨無家傍林谷定應何處卜鄉關

雨中憶張大夫園亭

我愛張家好亭子滿園林竹夏淒淒露花細雨飄窓

裏映日輕雷過檻西已拚習池多樂事况逢光祿有
新題朝回會與金蘭約走馬攜壺到碧溪

解官親友攜酒來看

嚴城擊鼓天欲曙風起平林纖月長故人開尊且復
飲客子狂歌殊未央臥病一春違報主啼鶯千里
伴還鄉他時若訪漁樵地洛水秦山各淼茫

送王照磨省覲

浮沙晶晶楚王臺苦竹泠泠帝子哀臘月江南鶯語
含早春湘北杏花開貪趨綵服聊輕舫苦憶金門罷
舉杯入幕却超難許並題橋司馬直須迴

寄徐子

徐子南游涉洞庭楚江風浪眼冥冥竭來振玉朝
天子忽漫傳書與客星訪戴難移剡溪棹問奇曾過
子雲亭煙沙水國催春發楊柳愁邊却盡青

寄徐編脩

題詩傳語玉堂賓想像鳴鞭散紫宸玩弄門前金騾
裏宛如天上石麒麟徒誇中論流人世實有新詩泣
鬼神密勿願先諧大軸漁樵久已屬閒身

九日寄何舍人景明

九日無朋花自開登樓獨酌當登臺孤城落木天邊

空齋集
下萬里浮雲江上來但遣清尊常不負從教白髮暗
相催梁南楚北無消息塞鴈風高首重回

冬霽宴丘翁林亭

竹亭高宴雪霜殘柏塢移尊月色寬馴鶴自知迎客
舞絕琴今擬向君彈醉來箕踞仍呼酒老去留賓不
着冠解道冥鴻能萬里肯輸烏鵲一枝安

立春遇雪柬孫君二首

乾坤莽莽俱爲客世路悠悠各愴神海內弟兄稀見
面天涯霜雪又逢春馴階鳥啄猶呼侶破浪龍吟不
避人幾欲開尊向梅柳白眉青眼爲誰擲

其二

留滯周南春復春路迷何處問三秦竟非吾土堪垂
淚不爲儒冠豈誤身偷臘檻梅暄媚眼弄寒山篠晚
傷神虛傳夜雪能乘興不見山陰鼓柁人

送張訓導棄官爲母

蜀道干戈暮角悲水行溪壑轉春姿辭劉徐庶心先
苦迴馭王陽願不遲正月巴山猶碧樹孤舟峽口已
黃鸝并吞割據千年事愁見岷峨有戰旗

早春酬內弟璣

騎馬衝泥到竹扉孤城雪日弄暉暉將飛鴻鴈春相

空同集 八
聚得食魚蝦暖自肥賈誼上書翻遠謫桓榮稽古已
多違亦知匡濟諸君事勿羨東臯早拂衣

早春郊園贈別

野陰蒼蒼春不分春堂黯黯惜離群柳條欲折不應
手林花卽開誰寄君鴈飛帆檣畏觸雪日蒸山澤恣
成雲杳然攜別東園晚綺席玉杯相對醺

生日答李濂秀才

臘前此日梅花劇酸送初筵竹葉新千里共爲青眼
客百年余是白頭人清霜麗葉情休如醉舞狂歌意
總真忽憶退朝傳粥食遲迴吟望一沾巾

過內第宅感詠

天漢橋東水竹居明公卜築迴幽虛軍城日月梁園
永戚里山河宋殿餘諸第冬林供雪笋重闈日饌躍
江魚冰清牢落千年事手澤空嗟萬卷書

積雨鄭左二子晚宴

秋深衆草皆垂實雨久高牆半濕痕百歲榮枯同逆
旅二儀風霧自黃昏烏鴉樹滑時窺屋泥濘人稀早
閉門便合披蓑邀鄭左任從燒燭倒清尊

送王生還里

華池避俗屯螢火往日談經近鹿場萬里漂零余作

客諸生親炙爾升堂昨來見面生春色歲暮還家帶
雪霜懷土力微難並進強吟臨路獨淒涼

逢泰公門徒因寄

垂翅昨年辭 帝都散花今日見門徒乘杯老去還
能否擊鉢狂來未信無暫止乳鶯元逐燕得時橫隼
莫驚烏清沙密竹追隨地腸斷飛虹月色孤

寄華韶州

十年不寄一封書索處常思萬里餘謫宦賈生元獨
遠抗言劉向果誰如新符海外勞分虎舊德朝中想
佩魚退食昔移青瑣步論文偏過省郎廬

贈鄭庚

文物江東數歛都里傳貞白似君無門前不種鉤衣
草堂上常巢返哺鳥爲客老年今道路告歸春日復
江湖沙溪酒熟兒孫勸拄杖徐行步綠蒲

北行家兄與內弟玉實間行道緩急卽如雷

霆之下魂魄並褫矧又如饑渴

吾兄淚眼若懸河內弟疋羸苦更多昏黑同行草莽
裏明星獨傍邑城過荒山葛藟繁初蔓空屋荆花滿
故柯臨路斷腸俱哽咽望歸攜手向煙蘿

寄答內弟璣九日繁臺見憶

空齋集 卷六 十一
悵別登臺逢九日雲間水落望長安風急愁聞木葉
下秋清淚滿菊花團臨危始識交親重處世空嗟行
路難一勺塗鱗終放擲九天歸翼待扶搏

喬太卿宇宅夜別

竹梧池館夜偏寒促席行杯漏未闌燕地雪霜連海
嶠漢家鐘鼓動長安吟猿見月移孤樹宿鴈驚人起
別灘二十逢君同躍馬十年回首笑彈冠

別都主事穆奔喪歸

瑤池不聽鳳皇簫銀漢愁看烏鵲橋海內君親情併
苦天涯書劍路俱遙陰陰朔塞鳴秋葉滾滾寒江

暮潮君去會應朝北斗余歸終擬伴漁樵

夜別王檢討九思

露白秋城角夜哀朔雲邊月滿燕臺仙人閣在銀河
上羸女簫從碧落來江葉自隨山葉舞燭花偏傍菊
花開風塵荏苒年華異莫怪臨岐數酒杯

宿江氏

尋山累日山中宿玉港回鑣見爾家世遠樓臺喬木
裏族繁門巷一溪斜深冬野竹猶風葉細雨簷梅已
凍花惆悵哲人今異代玉峯回首碧參差

穀日酬鄭屠二省使携酒見訪

殊方穀日軒齊過返照虛窓暖自通短鬢江湖今會
少早春聞闔舊趨同越南閩北風煙際岬柳園梅霽
雪中時世艱難須共濟此生杯酒任西東

滕閣訪屠子感贈

章門屢出綠尋春滕閣留懽晚不回霜落磧洲江漸
細日斜鄉國鴈還來紅巾未信干戈息白髮能禁日
月催千古棟雲簾亦捲西山秋色爲誰開

雨秋友人見過有贈

時芳已後重陽雨搖落深驚昨夜風鴉雀小亭雲竹
靜蕭蕭寒水瀨江東詩名海內逢高適人物吳中有

阿蒙數過滄留非縱酒異鄉搔首各飛蓬

較射畢青雲峯示諸生

射畢孤峯聊獨上繞峰冬樹發孤雲天開遠岫遲遲
見木落寒江細細分禮樂衣冠先此地綱常簪組愧
斯文亨衢接武尋常事孝子忠臣百世芬

發南浦贈人

大寒冰雨何紛紛曉行日臨江吐雲得風舸舸故柳
逐異港鳧鷗還自羣浦南蓼洲春欲動岬西雪山晴
未分與君接席向香藹吟坐傳杯侵暮曛

江上逢羅通政

秋乘綵鷁脩春服曉解牙章拜五雲三十超遷門下
省遲迴瞻戀聖明君烈風江上年垂暮把酒旗亭袂
忍分書錦故山家慶集堂開鶴髮野梅芬

清江彭君幽居

新霽隔城江色來僻居春暮徑花開當門銀杏有千
歲穿葉黃鸝能百迴南微雲沙曾杖鉞北山蔽蕨且
銜杯波深五月鮒魚至獨釣吟行鷗不猜

題嚴編脩東堂新成

城居市遠同村僻堂構春成屬燕忙星檣夜凭斜北
斗日牕朝坐影扶桑問奇頗類揚雄宅醒酒真輕李
相莊喜卽繫舟臨秀浦恨猶楮笏背鈴岡

泰和南行羅通政舟送

開船日午君俄至逆水開尊得竝船食數岸花杯不
記已衝江雨纜猶牽雲山楚越相逢地劔佩京華始
識年感昔願仍還省閣顧今俱已靜風煙

寄孟洋謫桂林教授

長沙賈誼君仍遠南涉三湘復九疑虎豹深山聊澤
霧蛟龍得雨固須時行藏學閣蒼梧夕鼓角夷城白
髮悲悵望適荆心豈忝飄零極海翅非垂

南康至日送韓訓導赴湖州推官

黯黯寒冬湖水頭遷官別我向湖州吾道百年逢小
至雪江千里屬安流飛騰刑獄官非忝簡拔朝廷意
實優見說東南力已竭哀矜此外爾何求

仰頭遇友夜泊感贈

舟夜雙燈倚碧灘江雲靄靄覆春湍中年獨覺滄洲
穩直道誰非行路難坐裏旌旗環匯澤花時金鼓發
長安時危故國思芳草懶慢先君得挂冠

龍沙餞胡子還城

春卿送弟返扁舟子孟還城設餞遊樹蔭金沙開錦
席花吟楚鳥勸吟甌平風听壓鼉鼉窟倒日江明鷓

雀樓古木徐亭偏寂寞醉希凝望水東流

吳育字蒼卿胡健字

子孟俱宋顯人也

別太華君

自我徘徊襄漢間秋風倏忽吹襄山鴉鷓竟日亂洲
渚鴻鴈孤鳴愁草菅秦路傷心紫芝折楚巖回首桂
花斑層城月出歌鐘滿誰念揚雄獨閉關

贈何君遷太僕少卿

省客新乘卿士車尋盟特別水雲居還朝買誼元前
席去國虞生合著書貪顧休輕冀野馬祖行親釣汴
河魚虛疑厄閨春情晚驛路羣花宛宛舒

是年遇聞何有官似

公同集
黃楊厄閏
年之句

夏日赴監察許君之宴同張監察

霜府池亭夏亦寒
捲簾河嶽火雲殘
筵開冰動琅玕
簞酒伴瓜行白玉盤
鷺石尋花時徑往
躍魚投餌晚留權
執教消暑陪驄馬
自分清朝老釣竿

東趙訓導二首

趙安邊營將家子讀易人也

安邊坐堡近沙場
白日胡沙慘慘黃
鼓努汝兄增品秩
操觚吾子獨文章
雙龍一命新朝闕
三鰓諸生已報堂
授易未容輕管輅
揅著端合契羲皇

其二

田園共傍古蕭關
舞鳳城臨斬斷山
連茹實期王貢上
轉蓬俄聚洛河間
風塵落葉頻驚眼
首宿深杯且破顏
宋岳巍臺俱不沒
及秋騎馬肯同攀

酬和許監察九日對菊之作

風簷落葉隨行步
坐近寒花引濁醪
又客重陽還細雨
故山他日幾登高
羈心汴館頻牽藥
醉眼江門舊送濤
願戢霜威長晚色
騰抽英響續遺騷

酬和李子夏日遊天王寺見贈

玉皇諸閣鎖空寥
夙昔攀緣客互招
細細嵩雲通佛

棋冥冥河氣度僧寮柏潭路古搖晴荔竹洞城陰掩
熱椒聞爾昨遊吾自阻碧紗誰並照煙霄

喜鄭生至自京師傳崔陸徐何諸人消息

汝從京國傳消息屈指離吾幾換年當日應劉俱老
健竭來燕趙自風煙陽回草木清霜後歲暮賓朋醉
眼前別業舊臺攜手在野鴻沙鳥日翩翩

繁臺冬日喜鄭生歸集

予從汝去稀過此即使經過亦惘然乍聚酒杯須落
日夕晴臘月有和煙向陽小草纖纖出傍水浮雲宛
宛連野立舉天昏色起好橫酣眼望三川

正月二日臺卿李公監察毛公袁公枉駕而

顧毛歸有作輒次其韻二首

君子三陽元並進朝廷四海况爲家冠彈貢氏非吾
願星聚荀門敢自誇走洗玉盤深映竹驕嘶驄馬半
銜花綠尊未倒歸須夜臺柏無言已宿鴉

其二

吾生五九笑吾涯短圃低墻卽是家酒熟喜當賓客
過詩成慙使世人誇日臨河岳雲俱色春入樓臺樹
自花轉盼不堪天地異得栖無小後啼鴉

和毛監察秋登明遠樓之作

院鎖簾垂白日幽爲誰乘興獨登樓地平嵩嶽牕中
出天倒黃河檻外流坐對鏡煙雲並起醉搖霜筆樹
還秋可憐大厦須梁棟未展那知匠氏憂

雪後困酒和王左史

旭日上雪簷溜懸廣文先生猶醉眠牀頭綠尊已交
臥解醒後倒囊中錢開門泥濘午活活有客騎馬來
翩翩強起梳頭煨芋栗暖杯寒光仍四筵

東邊子變前韻

繁丘草青春可憐欲往恰值春風顛應門童子不通
客空同先生閒自眠柳長故嫺金色縷梅落盡

玉錢安得卽遊共爾閣滿引香醪花簇筵

仲春繁臺飲餞醉歸口占呈陳邊二使君

晝日起風花欲開過鴻未盡巢燕來看山已嚴陽翟
駕群餞復聚梁王臺苦云離合每不易便醉顛倒何
嫌猜背閣碧樹故裊裊當年哢鳥時徘徊不見當年
良岳盛今日纍纍青草堆

春日過遂平將軍第同李尹

十年不到將軍第一日重來令尹偕春色不改延客
閣芳樹盡覆彈琴齋尋香檻蝶娟娟逐競暖池魚宛
宛皆晚步鹿蔥驚欲放續遊無吝玉爲牌

○限韻贈黃子

禁垣春日紫煙重子昔爲雲我作龍有酒每要東省
月退朝曾對夜門松十年放逐同梁苑中夜悲歌泣
孝宗老體幸強黃犢健柳吟花醉莫辭從

贈王推官相國之子

青年籍甚王推府得郡吞江復據湖楚楚驛驪當道
路英英秋月坐冰壺三槐舊業承非忝駟馬高門望
與俱相國醴筵今更數在邦無憶鯉庭趨

高門堤陳氏別業夏集

門堤平野突崔嵬幔屋深林石磴迴盛世行藏吾學
圃異鄉天地此登臺馮軒五月涼風入移席孤城返
照來急管暮催杯更進醉翁非爲酒徘徊

壬寅季夏長洲縣
庠生歸隆齋閑梓

空同子集

卷之三十終

空同子集

卷之三十一

北郡李夢陽撰 東莞鄧雲霄歛潘之恒蒐校

詩類七之三 七言律

夏日繁臺院閣贈孫兵部兼懷大復子

送楊子還里 送張工副

夏行人齋 太皇太后哀詔過此以病淹於郊

館僕爲作詩

城南新業期王子不至

再期王左史不至 繁臺次秦氏韻

送田生省母兄如晉

寄題孫氏茗溪草堂孫是時始有婚事

送毛監察還朝是時 皇帝狩于楊河

送李行人還朝 逢吉生汴上

郊園夏集兼別李沔陽

李沔陽飲後田鄭二子復集於斯莊望見陂水

驟落衆頗訝之

早春酬張客見贈 田居嘲答李沔陽

別熊御史出塞 春望柬何舍人

贈張舍 題環上人精舍

送膠州學職 送人還洛

秋日飲王子之第

見素林公以詠懷六章見寄觸事敘歌輒成篇

什數亦如之末首專贈林公

至後寄甥曹嘉 河上茅齋成呈家兄

留別李田二秀才 贈鄭羽士

送蘇文學往主三賢書院

鄭生聞予種樹有成便冒雪攜酒來看鄭時有

江東之行

送蔡子赴省 鐘樓重別熊子

閻曹二子發京姪木與之同舟而下有詩紀之

予亦和此篇

甥嘉謫官過汴僦舍而居以時炎熱

園莊餞祭客還江東

寄贈司寇林公還山

謝南陵折贈牡丹十頭咸樓子重辨

儀寢柳子以合懽芍藥見贈予自不識此花而

柳云種蒔數年惟今歲一朶時柳病方愈

夏日上方寺追念舊遊寄平陽王守前御史

答杭雙溪渡河見寄

奉寄邃庵相公之作

東莊冬日會別謝行人

雙溪方伯夏初見過就飲石几留詩次韻

三司諸公久有蓮池之約會兩阻不赴乃移兵

司東園而飲爲詩以謝

東莊再贈杭子兼呈其兄澤西年友

乙酉除夕答鄭生兄弟見贈之作

東莊謝臬司諸公携酒見過

上方寺會監司諸公

東莊藩司諸公見過

于公廟會王師以其防秋北行

新秋宣威後堂會張鮑二帥晚過東圃作

酬聶監察淮上見寄

九日南陵送橙菊 亭上限韻作

送程生兼寄姑蘇五嶽黃山人

寄水南子

夏都諫勘鄴潞之戰感見憶之作寄答四首

熊監察至自河西喜而有贈

右次贈酬六十七首

七言律三

贈酬二

夏日繁臺院閣贈孫兵部兼懷大復子

獨馬孤城送客迴
亂蟬高柳出銜杯
晴天河嶽今開閣
戰地金元晚上臺
才自籌邊期獻納
義猶傾蓋愧徘徊
何休門客如君幾
北望天風萬里來

送楊子還里

魯修書院盱江側
君去懷予試一遊
當日水山應更好
別來松桂幾經秋
謝詩早向麻源覓
顏帖時從廟碣收
此外何求惟有醉
背山合起望泉樓

送張工副

爲官秦邸君西去
因憶簡王相遇時
池出異蓮要作

賦館開脩竹坐傳卮龍旂寂寞還雲氣鶴馭飄翩祗
夢思寄問白頭強相國醴筵吟筆似前隨

夏行人齋 太皇太后哀詔過此以病淹于

郊館僕爲作詩

野館春雲劇暮陰病臣哀詔此經臨君親敢謂三江
遠涕淚懸知萬國心風砌獨花堪憤悶雨簷雙燕足
清吟遐陬每引前星望願爾兼程布此音

城南新業期王子不至

新園木欲誇王史竟日城南期不來即使屋荒還五
柳忍令春暮只孤臺對人芳藥翻翻出近日浮雲細

細開已囑甕頭封綠蟻明朝倘許盡餘杯

再期王左史不至

地散官拘此亦希草堂重約忍偏違元期芍藥枝枝
賞忽復葵榴片片飛諸客酒停時望旆孤城日落尚
留扉人生樂事真能幾野立蒼雲又白衣

繁臺次秦氏韻

一秋今到十賢堂萬事傷心歎渺茫草綠梁臺猶殿
閣花殘宋苑只宮墻天南星宿元朝手崖北靈芝本
向陽未老息棲終傍此預愁人擬臥龍岡

送田生省母兄如晉

匹馬遙衝落日微萬山何處是庭闈塗紆沁上花應
發春盡并門雲尚飛臨柏乍開荆樹閣傍萱重着老
萊衣馮高試望風雲氣大駕新從此路歸

寄題孫氏茗溪草堂孫是時始有婚事

茗溪之傍何者丘幾時自卜松塘幽已聞寬田足放
鶴曾否餘錢兼買舟狎人鷓鴣元成偶近檻芙蓉故
並頭塵世要留風格在東南聊作醉鄉遊

送毛監察還朝是時 皇帝狩于楊河

楚生臨水送將歸黎子當筵賦式微天下汝爲真御
史百年吾是舊漁磯沙寒白日蓬科轉風起黃河

葉稀此去有書應力上太平天子本垂衣

送李行人還朝

南使樓船漫北迴西巡車駕歛東來星辰再逐千官
入閭闔重臨萬國開寒盡旌旗猶拂雪春新環珮且
沾梅虞絃定有薰風奏佇望陽和徧九陔

逢吉生汴上

汴上相逢俱白頭秦中却憶少時游煙花樓閣春風
日錦繡山河百二州未論聽鶯穿細柳實因走馬出
長楸金尊邂逅今宵月明後仍懸兩地愁

郊園夏集別李沔陽

東門慣種召平瓜彭澤新成處士家晨起忽嘶花外
馬君來同泛柳邊槎向人齒齒元隨檻哺子鳩鵲各
占沙明發路岐愁把袂秋風江漢有歸艖

李沔陽飲後田鄭二子復集於斯莊望見陂

水驟落衆頗訝之

五馬柴門夜已迴二豪尊酒且重開林乾鳥雀群應
喜水落鳧鷖半不來疎懶合收任氏釣嘯歌真慕阮
公臺亦知河朔非凡輩逃暑無辭掌上杯

早春酬張客見贈

周王祈雪罷燈遊楚客思鄉迴獨愁不雨風雲常嫋
嫋入春江漢轉悠悠禮花錦石添雙鬢橫笛短簫悲
絲舟岐路斷腸俱不減予今搔首爲西州

田居嘲答李沔陽

郊園自枉君侯車日日觸熱尋吾廬柳長風多祗欲
睡瓜成雨來仍用鋤遠田陰陰立黃鵠新波雙雙跳
白魚卽令石水泥五斗豈無五馬愁騎驢

別熊御史出塞

今夕何夕春風微把酒長歌春興違嬌鶯乳燕黯不
語嫩蘂柔條空自稀都門車騎明朝發關下行人三
月歸北望胡沙青草盡祁連山外斷鴻飛

春望柬何舍人

城南春望春可憐，小苑高樓生暖煙。幾家芳草斷腸處，無數落花吹笛邊。川原萋萋入暮雨，車馬駸駸矜少年。欲向仙郎誇白雪，陽春久已絕人傳。

贈張含

孔門諸子接升堂，杜甫交遊盡老蒼。萬里南歸望秋月，一樽對別逢春陽。生兒當如李亞子，有父況作尚書郎。肅肅雲鴻天路永，樊籬斥鷃莫空翔。

題環上人精舍

前月到寺萱草香，今月到寺葡萄長。潢潦盈盈旭日動，樓閣灑灑高雲涼。出門每恨市城隔，汗世空嗟車馬忙。圓月清秋期重訪，卽扳留臥贊公房。

送膠州學職

廣文先生騎馬來，膠東膠西花欲開。鱸堂蕭蕭帶暮雨，芹池殷殷鳴春雷。太山西望真堪仰，洙泗東流竟不迴。寥落廟宮多古樹，屬君收取棟梁材。

送人還洛

十月朝天春始迴，洛邦真喜使君來。柳條臨路若相待，梅花滿堂渾欲開。雪晴幾過回鑾浦，日落時登承露臺。九重他日求賢詔，不道今無賈傅才。

秋日飲王子之第

岩堯玉殿逐秋開迤邐金風觸酒迴賓客百年梁氏
苑河山雙鬢李仙杯露凋梧葉浮龍井月引簫聲出
鳳臺莫羨同舟流逆調須知雅樂是真才

見素林公以詠懷六章見寄觸事敘歌輒成

篇什數亦如之末首專贈林公

南伐經年駕北還麗雲遲日藹燕關花明合殿春開
扇柳引千官曉復班新有越裳供雪雉是年始貢
者三國更
聞飛將奪天山務農銷甲從今事飽飯行歌興不慳

其二

香含雜舌曾為吏日侍龍顏朝退時春色故搖三殿
柳曉風偏放萬年枝鏘鏘劍佩鷓行亂裊裊旌旗鳳
輦移迂謬一麾今廿載半生心事白頭知

其三

青天萬仞削芙蓉憶踏匡廬第一峯哀壑暮雲埋虎
豹大江春浪變魚龍天池玉筆親留碣石室山僧獨
扣鐘搔首昔曾霄漢上舊題應被紫苔封

其四

投簪萬里旋舟日暫憇覃園傍峴西潭起漢娥留佩
賦并傳王粲倚樓題林猿浦鴈心常往楚雨襄雲路

不迷縮項一樣真欲釣幾時重訪鹿門棲

其五

買園近闕三三徑啓戶遙當六六峯敢向大河誇樂
土且將名嶽寄行蹤風林躍馬狐狸走草澤回舟鴈
鷺衝昨復潁陽開別業傍軒新徙具茨松

其六

西伐親將龍虎軍南歸甘卽鷺鷗羣謝安實費登山
屐司馬虛傳喻蜀文釣罷蘭溪宵上月吟成壺嶺畫
生雲何時勉爲蒼生起悵望東南五色氛

小至後寄甥曹嘉

隔縣經秋汝面難好音爲郡舅心寬二河鴈起沙生
暮四海陽回雪尚寒萊竹召棠他日事石渠金馬向
來官公餘定有尋幽興莫惜新篇寄我看

河上茅齋成呈家兄

愚弟罷官兄獨喜卜築茅齋傍竹林開窓忽見萬里
色背水常留十畝陰春來燕子休相賀日暮幽人且
自吟庭下會栽棠棣樹牀頭新製有虞琴

留別李田二秀才

五年梁苑棲遲穩千里南州忽此行海內尚還憂盜
賊老夫何用拜簪纓音書陸續憑誰寄醖酒留連見

空同集 十一
我情惆悵暮天雲不盡秋風相憶豫章城

贈鄭羽士

怪爾零丁老鍊師藏珍破屋鬢成絲坐看丹竈宵忘
寢行折園葵午療飢久雨水滄松樹死塌墻人過廟
門疑空傳薦福千金帖今世誰尋少保碑

送蘇文學往主三賢書院

邦侯敦禮聘才賢梁客乘秋詣汝川堂上久懸徐穉
榻門前俄報孝廉船雲山紫邏霜應峻風穴青松晚
更妍獨上高丘試回首紫陽白鹿自江煙

鄭生聞予種樹有成便冒雪攜酒來看鄭詩

有江東之行

鄭繁騎驢雪故來無功行樹及春栽沾濡立愛新松
色冷凍回驚早杏開密片深當紅蕾集寒聲虛帶翠
蕤迴思君囊笠滄江上酒罷翻愁去舸催

王績字無功

送蔡子赴省

君從歷下游三輔暫就薇花避柏烏關內久懸馮異
望河西早上伏羌園茶官詭譎時侵馬餉吏奔趨日
備胡生養願今開氣象山河百二本皇都

鐘樓重別熊子

野寺荒臺餞客游江湖城郭暫消憂危檐獨赴翩翩

燕細浦雙行宛宛鷗人世舉杯俱勝跡風林長夏有
清秋情來不用重翹首西北浮雲是帝州

閻曹二子發京姪木與之同舟而下有詩紀
之予亦和此篇

共水同舟伴謫居海天春色靜涵虛蠻方故啟流官
路漢史終收痛哭書蜀徼山高常戴雪滇門池苦亦
生魚上林花樹年年在前席行看入禁廬

甥嘉謫官過汴僦舍而居以時炎熱

萬里巖程此一州問親娛舅爾須留遷人賓客休填
戶僦屋炎蒸幸有樓穿檻筍高猶足采戲池魚美更
作求館甥舊地花仍好得暇頻來看海榴

園莊餞蔡客還江東

來日麥苗歸麥黃炎郊攜手暮蒼蒼別筵車馬吾先
醉落日東南江自長檣燕岫花休促棹小堂新竹尚
餘觴吳門汴市無千里應把并州作故鄉

寄贈司寇林公還山

徵書強逼上彤闈退食長吟望翠微漢室本緣三策
重都門真見二疏歸朝廷司寇元持法天下蒼生遽
拂衣趨陛履聲 皇念切夢魂能復五雲飛

謝南陵折贈牡丹十頭咸樓子重辦

王花折送出朱門國色俄臨處士村堆積實增春照
耀傳看直至日黃昏先掄上萼園詩卷已拚清香費
酒樽見說陳思才八斗洛陽真譜許同論

儀賓柳子以合懽芍藥見贈予自不識此花
而柳云種蒔數年惟今歲雙朶時柳病方

愈

賓卿贈藥驚奇異共蒂分葩號合懽入手自摩雙朶
歎逢人恐當一花看並頭虛漫誇蓮藥單瓣還應壓
牡丹汝抱緜痾今幸愈和中天遣助平安

夏日上方寺追念舊遊寄平陽王守前御史

伏天樓閣同遊地尊酒松林憶並攜驄馬昨朝三極
北虎符俄剖萬山西人間散合留高跡壁上風雲護
舊題出守次公元入相汾川應與潁川齊

黃霸字次公

答杭雙溪渡河見寄

藩公赴鎮東來日野老扶筇北上時貪墨似聞拋印
綬壺漿真見迓旌旗豫州河嶽元中土漢法封疆是
重司廿載別君今幸此柴門能倒故人卮

奉寄邃菴相公之作

徵書北闕朝朝下不見東山起謝安黃閣兩朝心自
赤蒼生四海淚曾乾雲霄桃李猶門徑歲月絲綸只

釣竿舟楫願公長好在風江日夜有波瀾

東莊冬日別謝行人

冬圃朋游菊半蕪風林互飲葉全鋪往來物理須霜
露離合人情豈路途乾綠冷紅難避眼剩香餘馥故
侵壺相逢莫漫憐修竹要識乾坤有碧梧

雙溪方伯夏初見過就飲石几留詩次韻

孤城春氣轉溫風石几閒門夏樹中遇客便移杯酒
玩題詩今得故人同猶驚鳥動花紛落况值日斜樽
不空晚暮蒼茫萬里色賴君長劍倚崆峒

三司諸公又有蓮池之約會雨且不赴乃移

兵司東圃而飲爲詩以贈

西城宿雨天虛阻東圃微晴人竟遊地闊儘容雲氣
入亭深能使樹香留尊前俊傑齊三府林下迂疎自
一丘勲業太平公等在故將高榻動南州

東莊再贈杭子兼呈其兄澤西年友

冬郊日白無風沙羣飲送客遊琅琊到日定生辜澗
草有時同醉歐亭花我今五十半潦倒君日高貴元
才華過鄉爲問澤西子老吟何處饒煙霞

乙酉除夕答鄭生兄弟見贈之作

除夕天涯見客心連枝游子各悲吟徒將鬢雪凝青

鏡且把鄉梅託素琴海嶽催春潛弄色水霜爭歲涸
成陰吾家甕綠浮浮嫩兄弟能來秉燭斟

東莊謝臬司諸公携酒見過

白日餘紅亂撲衣郊亭無事坐花飛何緣五柳嘶驄
馬忽有群公到竹扉過眼物華春自暮賞心朋輩老
應稀亦知不是談玄宅倘許頻來各醉歸

上方寺會監司諸公

梁園四月斗炎蒸衆飲松堂爽色凝天上樂聲僧梵
接掌中杯影塔雲層高情不使忙官奪野興常於勝
地增西海漸生歸路月上方無藉散花燈

東莊藩司諸公見過

少年湖海老中原萬里誰期共一尊邂逅路岐須盡
醉向來離合敢重論桑麻事業陶公徑鳥雀人情翟
氏門懶散廢書瓜可種夜來時雨足吾園

于公廟會王帥以其防秋北行

新晴借廟張金鼓舊約鋪筵集縉紳氣早冷隨雲雨
入地幽人與竹松隣時來拜命防秋將老去狂歌避
世身醉別贈君雙玉劔持將西北掃風塵

新秋宣威後堂會張鮑二帥晚過東園作

戟府臨秋氣自威林亭過雨日能輝但邀文士揮彤

管不願將軍試鐵衣雲濕白花籬
槿重風搖朱果石榴稀
彎弓欲看雙禽墮海闊天晴鴈不飛

酬聶監察淮上見寄

落木秋城動客哀急風胡鴈帶沙迴
夷門合是投簪地淮海須憑攬轡才
勲業壯心頻覽鏡暮雲詩句幾登臺
太微實與群星異已有光芒接上台

九日南陵送橙菊

朱門美菊采先芳玉圃新橙摘早霜
傳送滿盤真鬪色分看隨手各矜香
深憐便合移樽酌暫貯應須得
蠲嘗獨醉秋堂臥風物一年晴雨任重陽

亭上限韻作

片雲黑日熱轉添忽有飛雨來
纖纖任情玉杯但一弄乘興彩毫時
復拈角巾芒鞋客竟日燕舞花明風
滿簾垂頭人吏困自睡此地元非禮法嚴

送程生兼寄姑蘇五嶽黃山人

壓枝梅杏纍纍碧照眼櫻桃的的紅
舟楫大江無晝夜路岐初夏有西東
淹留欲暮林間日行坐惟便竹下風
秋水一帆湖海上爲傳雙鯉到吳中

寄水南子

孤雲晝陰董盆寺迴風夕電南神岡
林木颭颭起新

色茅堂微微生嫩涼
高人北窓枕書臥
有酒誰與開
尊嘗鬱蒸殘暑
不須念雷雨
時覩蒼龍翔

夏都給勘鄴潞之戰
惠見憶之作寄答四首
廿年不入紫宸朝
白髮猶能伴野樵
敢向驂騮爭道路
固知鵬鷲自雲霄
狂歌見月時呼酒
懶性臨風欲棄瓢
寄語昔遊青瑣客
嶺雲溪雪記同招

其二

焚草常懷杜拾遺
從容退食梧垣遲
人當名世汝其輩
國有中興今固時
衰年丘園合潦倒
大業竹帛能留垂
迢迢故人寸心在
日日苦吟雙鬢知

其三

侍臣斧鉞雲中下山寨
冰霜戰後行穿腦
乍攀黎賊路石門
重覽鄂王營
中興崖石元留頌
成筭朝廷敢論兵
試向絕巔看大海
年來波爲聖人平

其四

岩堯上黨接壺關
杖鉞東行歷萬山
巖凍雪埋擒虎窟
壑腥雲斲龍灣
嶮巖路透漁樵入
蒼蔚林清鳥雀還
爲問登高能賦者
雪毫幾掃白雲間

熊監察至自河西喜而有贈

當年五郡乘軺過
此日千城攬轡游
封事幾騰天北

極壽邊真歷地西頭崑崙壯壓胡塵斷弱水清翻漢
月流若使巡行皆汝輩遠夷那係廟堂憂

空同子集

卷之三十一 終

空同子集

卷之三十二

北郡李夢陽撰 東莞鄧雲霄歛潘之恒蒐校

詩類七之四 七言律

小至

人日

穀日

丁卯小至

戊辰生日

臘日

九日繁臺二首

己巳守歲

辛未元夕雪後

初度懷玉山有感

盱江小至

九日衙齋對酒偶作

南康元夕

楚山九日太華君同登

登高以雨留山寺

乙亥元日東臺省何邊三使君邊病臥久

乙亥元夕憶舊東邊子臥病不會

丙子冬至 丙子生日答田生

除夕寫懷呈毛使君

元夕宴王孫第 下丑除夕

戊寅立春庭前桃樹二首

戊寅元日

小至喜康狀元第河路過齋其兄書見示

九月七日夜集

冬至前一日雪

巳卯立春

庚辰元日

元夕

立春前一日雪柬黃子

辛巳立春

辛巳元日

辛巳生日

辛巳除夕遇立春

壬午元日

癸未除夕

丙戌九日

右次時序四十首

九日浦江王水亭共泛二首

憶西南陂九日之泛

再約陂泛屬風雨阻

九月晦日西陂再泛二首

辛巳九日田子要東陂之遊雨弗克赴三首

無事 東園夏集

霖雨洶湧城市簿筏而行我廬高墪尚苦崩塌

何況黃子住居湫隘詩以問之

正月望日繁臺寺集

夏日余園 田居喜雨

秋遲 獨上

臺寺夏日

右次雜詩一十八首

于少保廟 朱遷鎮

春日謁三皇廟 吹臺春日古懷

自關西回展外舅大夫之墓用前韻

狄梁公寧州有廟 靈武臺

冬日象山書院前 秋望 補錄

右次懷古十首

七言律四 凡六十六首

時序

小至

連年至日多暄暖不似今年暖更饒脉脉水泉元自

動微微雲物向人遙卽防臘意傳梅藥更遣風光媚
柳條便可抽身解簪組且謀春事件漁樵

人日

翠篠娟娟暖不遲含風雪壁迴多姿煙霞弄色不忍
見梅柳爭春能幾時返照高樓橫欲歛宿雲孤樹靜
難移自傷消渴淹朱紱不拜金花到玉墀

穀日

人日穀日俱不惡悠悠天意豈難明得時田畯休空
喜少雪螟蝗恐旋生陶令柳陰元傍宅邵平瓜地故
依城載歌行路思良隱未信青山亦世情

丁卯小至

一冬爲客負簷暄至日彤雲客思繁迎氣柳梅渾欲
動再開桃李更何言飛沙霧竹催寒景落日鄉關切
斷猿獨上高臺眺雲物不堪清淚洒中原

戊辰生日

生還淹跡倚荒廬懶散經秋賦索居雙淚弟兄揮酒
日寸心關隴望鄉餘臘晴柳日輝輝動春逼冰河滾
滾虛三十七年吾底事彈歌不爲食無魚

臘日

夷梁臘日春意動物色生態誰能禁歸煙霏霏捐竹

勁融雪細細生苔深腐儒奔走竟何事鄉土棲遲多
苦心便欲乘閒買越舸青春發興好南尋

九日繁臺二首

窮秋避地兼逢節曠野無山且上臺江漢鴈驚翻北
叫太行河斷却東來羈栖歎世深難醉病起思鄉老
易催閏月有期還發興菊花晚暮莫愁開

其二

禹廟登高人盡迴儒宮下馬盡殘杯奔陳孔甲元孤
憤去趙虞卿且未哀高葉下風還抱石片雲拖雨故
臨臺酒闌却憶十年事半醉呼鷹向此來

巳巳守歲

窮年豈辦椒花頌守歲真貪竹葉杯天下風塵難卽
料夜中星斗直須迴傷心蜀漢新戎馬觸目中原半
草萊飲罷空庭聊獨立五更春角動城哀

辛未元夕雪後

干戈西北塵雖靜寇盜東南檄尚飛歎世酒杯難自
強競時燈火况多違春偷草閣梅初放雪舞堤城柳
未歸三白農人懽荷笠萬年天子願垂衣

初度懷玉山有感

年今四十身千里生日登臨寓此中憂國未收南望

淚思家猶阻北來鴻寒冬白霧峯巒隱車馬深山道
路通學海久傷青鬢改振衣真愧玉巖風

行江小至

建昌冬至益王宮劔珮趨朝禮半同萬里龍顏貪想
像十年霜鬢歛西東臘偷江嶠梅先泄春逼關河鴈
已通雲物不遮鄉國日麻姑今擬暫停驄

九日循齋對酒偶作

故鄉叢菊歎離居各邸秋梅葉且舒四海重陽三滯
酒兩河歸鴈幾傳書拂衣欲就淵明里短髮猶驅孟
博車意遠遲回聊復酌浮雲北望行知爾

南康元夕

發春南地北同寒旅宿張燈雪氣殘三晉樓臺違夜
月五湖鷗鷺伴風湍真防柳色侵梅色莫道蟬冠勝
鷗冠匣劔衝星愁易泄倚筇還向斗牛看

楚山九日太華君同登

登高此日吾惟汝把酒他年憶菊時酒劇江山聊自
放菊深風雨爲誰遲謾於孔樂傷王賦莫遣將歸學
宋悲轉眼干戈西北異楚雲回首任支離

登高以雨留山寺

鐘鼓高城夜到山醉留真愛石堂閒傍龕燈伴吟猿

宿度澗風吹急雨還來笑菊花供老鬢臥愁雲霧滿
人寰朝晴更擬諸峰賞萬仞丹梯合共攀

乙亥元日東臺省何邊二使君邊病臥久

煙和日翠且重樓洶洶綺羅悲此州碧草可容漳浦
臥官梅真憶廣陵遊來鴻去燕催今昔柏葉薇花阻
應酬興發春山能約往冰開仙楫擬乘流

乙亥元夕憶舊東邊子臥病不會

憶昔金錢並卜歡稱心燈火獨長安鑪香欲散尚書
省環珮先歸太乙壇十載酒杯誼五夜九衢遊馬閱
千官蓬將轉合今同此月滿梁園却自看

邊舊太常
故曰太乙

丙子冬至

奉天門下玉闌橋此日催班早侍朝占史奏雲懽萬
國太官傳宴散層霄苑梅迎律春先動官柳臨風色
欲搖一出忽今驚十載百年勲業有漁樵

丙子生日答田生

當時結客少年場走馬看花紫陌香三黜偶然齊柳
惠兩朝奚但有馮唐壽杯今夕余同醉獻賦開春爾
一方京國逢人問衰健爲言吾鬢已蒼蒼

除夕寫懷呈毛使君

晝日淒淒風色嚴晚登雲閣漫開簾山河不逐年華
改天地空悲老鬢添隨俗香燈消獨夜近人星斗下
虛簷微吟暗憶乘驄使綵筆迎春幾自拈

元夕宴王孫第

向夕虛廊風自驚啟筵華月坐留情琴樓合與衣冠
客鐙榭遙聞歌吹聲吟劇晚梅聊索笑醉移寒竹互
尋盟九衢遮莫催車馬願倒王孫百甕清

丁丑除夕

明朝行年四十七默憶宦游年盛時帝京守歲朋輩
集除夜開堂餞酒隨綵筆迎春誰競長白頭懷舊獨
含悲乘陽莫謂渾無事冰泮黃河起釣絲

戊寅立春庭前桃樹二首

冬殘月閨豫看春暖氣晴陽應節新老大徒懷炙背
獻艱危竊慮轉蓬身下除飢鵲爭噉雪出穴微蜂特
傍人獨立桃叢憶桃日武陵今有泛花津

其二

春日題春試彩毫高門傳菜玉盤高乍看旭日輝山
檻不分時風向砌桃虎豹雲移思霧雨魚龍冰動遲
雷濤物情且共天流轉人世誰曾免三毛

戊寅元日

空同集
閏臘逢元晷自長乍晴暄日趨年芳當階雪浥桃枝
透隔戶風傳竹氣香籠內乾坤吾獨放鏡中勲業鬢
先蒼北游春色隨龍輦生意何由卽萬方

小至喜康狀元弟河路過齋其兄書見示

侵曉書雲雲四生向昏濛雨散孤城敲門怪爾關西
使匹馬緣誰淮上行板柳弄梅今日事望鄉懷友百
年情傳言且共陽回喜天意分明欲太平

九月七日夜集

此夜邀賓過草堂實因佳節重壺觴時侵叵奈燈前
菊老去誰拋鏡裏霜昔年暗微寒催蟋蟀雲開片月下
滄浪明朝好趁登高伴木落天空望帝鄉

冬至前一日雪集

遽看風雪催長至旋具盤飧欸近賓片片窺簾如避
酒霏霏點袂却隨人臺寒預發書臺興梅動猶潛隔
夜春醉裏白頭堪北望陽回黃屋且西巡

巳卯立春

律窮寒極有今日斗轉天迴還此春雪擁竹根旋自
濕風來人面霎堪親曾游舟楫思南國未返旌旗望
北辰漫惜物華番覆醖幾揮生菜欲沾巾

庚辰元日

今日何日陰霏霏看之不見濡人衣層冰滿眼祗突
兀白日何處能光輝單于祭馬春欲動漢皇射蛟南
未歸傳到揚州好花月鳳簫應伴五雲飛

元夕

千年爛熳鰲山地少小看燈忽二毛兵後忍聞新樂
曲月前真愧舊宮袍南州樓閣煙花起北極風雲嶂
塞高悵望碧天聊獨立夜闌車馬尚滔滔

立春前一日雪柬黃子

春前白雪紛紛至落地欲消還未消明日立春應五
出晚來微月尚爭飄梅花故傍袁安室柳色潛回鄭
綈橋聞道郢人能妙曲曲成吾品赤鸞簫

辛巳立春

冬晴轉覺冰霜厲日散俄還海嶽春綵勝恩光曾侍
帝萊盤風俗謾隨人雪融樓閣沾沾薄煙動松筠裊
裊新人壽幾何吾半百到屠杯酒莫辭頻

辛巳元日

倏忽吾生五十春兩朝遺佚太平身望鄉心逐關雲
起懷國情將汴柳新自信右軍非墨客王右軍五
十書始成誰
言高適是詩人適年五
十始詩南征昨報龍旗返佇想嵩呼
動紫宸

辛巳生日

吾今五十頭半霜大兒已壯孫已長力田頗自識草木出門每與憂豺狼風晴野水白晶晶臘近山日寒蒼蒼但能草澤射猛虎豈須熊館誇長楊

辛巳除夕遇立春

改元明日初開曆除夕今年暗入春天地漸分二極色行藏已半百年身和煙浥浥梅應劇滴露蕭蕭竹未勻喧歲不知宵遽曙北雲何處望楓宸

壬午元旦

元年元日光華異青帝青陽左个開北斗不將天地轉春風那使萬方回蛟龍窟宅寒猶閉鴻鴈雲霄暖自來迴首玉顏慚大藥許身元擬是仙胎

癸未除夕

連冰累雪欺年暮除歲嚴風放夜晴挂斗拖星猶凍色趨鐘催鼓遠春聲喧城車馬朝元密戰野旂旂禦寇兵人事物華應遂轉燭堂深坐獨含情

丙戌九日

百年佳節今風雨數日東籬已菊花老鬢不緣吹帽短濕枝何事向尊斜紛披九徑憐揚子潦倒三杯笑孟嘉欲補登高望晴色晚來紅氣有雲霞

空同集
雜詩

九日浦江王水亭共泛二首

長蘆古陂城一偏樓臺波水秋相鮮紫萸黃菊有今日翠管銀箏須此筵微風改席徐回纜落日留賓更進船漫說龍山能落帽何如李郭共登仙

其二

君王別館湖中央菊日浮游錦纜香貪把深杯向蘆葦錯教橫吹驚鴛鴦車徒雜沓四岍合殿閣涸沿一水長萬古有人同此地他年吾輩是重陽

憶西南陂九日之泛

一游水亭心自牽沙色湖風常眼前蕩搖每疑菊在把出沒似有鷗隨船冥冥浦漱幾落日蒼蒼蒹葭時遠天頻來此地亦可借恨無好詩酬紫煙

再約陂泛屬風雨阻

自游此陂秋每晴再約寧知風夜驚紛披已詫黃葦亂吞吐能禁白浪生朝來霧雨細細動時有鴻鴈嘈嘈鳴但問舟航今好在無愁天地無開明

九月晦日西南陂再泛二首

水國窮秋霽更寒渚宮重宴菊猶殘閒身欲住張融舸短髮羞欹杜甫冠日映樓臺天上過風恬魚鳥鏡

空同集 十一
中看綠池莫戀團園竹卽擬枚乘賦不難

其二

水上冬初多白雲沙間煙滿白鷗群經添雨雪湖非
減刈盡蒹葭路轉分當岼女牆晴倒出傍船木葉醉
偏聞迴途恐觸蛟龍螫莫遣鳴笳徹暮曛

辛巳九日田子要東陂之遊雨弗克赴

今秋霖雨何連絲佳日阻放東陂船衰年實怯白頭
浪朋游忍負黃花天城陰來往戲羣鷺寺門從橫鳴
亂泉間看靜聽誰共汝浙瀝晚暝松林煙

其二

昨來晴立寺南丘城水湖雲向客流夕陽欲低鐘磬
閣隔岼忽聞簫鼓舟動興帆檣真爲節阻人風雨故
禁秋當籬藥効披披艷獨嗅孤吟迴自愁

其三

衝泥杜甫吟愁雨落帽參軍醉倚風雲水無緣雙放
舸蒹葭何意獨鳴鴻清沙錦纜相期地白首黃花轉
望中借問臨高把杯酒幾層湖閣坐秋空

無事

無事日長春但眠水昏野暗風常顛繁葩亂藥眼欲
盡乳燕啼鶯心自憐匣中幸猶有雙劍杖頭奈可無

百錢人生幾何忽已老激昂淚下如流泉

東園夏集

水館風林夏日宜野天晴色曠襟期舊馴麋鹿呦呦
切新集鳥鷺泛泛遲穿徑獨蜂猶覓菜倚墻餘杏漫
留枝蟬鳴鳥亂從渠暮把酒看雲是我時

霖雨洶湧城市簿笈而行我廬高墪尚苦崩

塌何況黃子住居湫隘詩以問之

前日頻雨無完牆今番如注誰禁當田廬城屋盡漂
沒驕雲驚霧還飛揚恒飢烏鴉只自噪滿意高藿如
人長辭宅頗怪晏嬰子卜居何必青泥坊

公徒之晏子不從杜
詩飯煮青泥坊底藿

正月望日繁臺寺集

臘凍雲黃海岳愁春青日白快吾游陰坡氣觸娟娟
雪暖澤冰分細細流晨起探梅穿野寺晚來移席傍
鐘樓無端四望風煙起燈火煌煌滿汴州

夏日余園

夏日深林喧乳鴉名園游客散平沙百年事業真杯
酒四海朝廷正一家隊隊自來循檻蝶畚畚相學後
春花黃雲薄暮休驚眼白首吾生信有涯

田居喜雨

空同集 十四
有田憂水復憂乾一雨農心得暫寬從此荷鋤添野
事向來垂釣省風湍臺林澤草俱回態急響微沾並
作寒薄暮斷虹收霹靂曠原西日倚筇看

秋遲

秋遲月閨菊無花景短天昏日易斜山峻幾時藏
虎豹海枯他日見龍蛇行藏且付杯中物潦倒新添鏡
裏華盜賊關南今定否暮雲哀角起三巴

獨上

獨上高樓生夕煙帝畿冬望轉淒然西山雨雪留殘
景北海風塵接暮天只爲浮名傷遠道况逢寒日下
長川江梅岼柳年年發菊徑茅堂亦可憐

臺寺夏日

古臺高並鬱岩堯斷塔稜層鎖寂寥積雪洞門常慘
慘熱天松柏轉蕭蕭雲雷畫壁丹青壯神鬼虛堂世
代遙惆悵宋宮偏泯滅二靈哀怨不堪招

懷古

于少保廟

朱仙遺廟已沾衣少保新宮淚復揮金匱山河丹券
在玉門天地翠華歸平城豈合留高祖秦相何緣怨
岳飛最怪白頭梁父老哭栽松柏漸成圍

朱遷鎮

水廟飛沙白，印陰古墩殘。樹濁河深，金牌痛哭班師。
地鐵馬驅馳報主心，入夜松杉雙鷺宿。有時風雨一
龍吟，經行墨客還詞賦。南北淒涼自古今。

春日謁三皇廟

爰從開闢無三聖，蠢爾生民豈至今。寂寞廟宮誰下
馬，遲迴天地獨沾襟。紫堦藥蔓還春色，搖日叢菁已
暮陰。悵望龍髯心更苦，白雲偏繫鼎湖心。

吹臺春日古懷

廢苑迢迢入草萊，百年懷古一登臺。天留李杜詩篇
在地，歷金元戰陣來。流水浸城隋柳盡，行宮爲寺汴
花開。白頭吟望黃鸝暮，瓠子歌殘無限哀。

自關西回展外舅大夫之墓用前韻

遙阡無計掃春萊，絮酒何因到夜臺。西客兩年和淚
到北風，千里共愁來。田園樹大身先葬，書畫樓成書
不開。歿後外孫今五尺，百年遺恨使人哀。

狄梁公寧州有廟

狄相昔爲州刺史，于今伏臘士人思。向來伊水瞻遺
墓，此處羗民拜古祠。鸚鵡夢中天地轉，太行山上旆
旌遲。稔知忠孝平生事，更讀禋文萬古碑。

靈武臺

環縣城邊靈武臺肅宗曾此辟蒿萊二儀高下皇輿
建三極西南玉璽來衣白山人經國計朔方孤將出
群才可憐一代風雲際不勸君王駕鶴廻

冬日象山書院

草疎葉黃沙出溪日高南崦氣淒淒人亡故國還祠
廟世異陰崖尚品題鳥雀石林迎旆散野狐風草怒
人啼昔賢名跡誰堪此兩淚遙傷萬仞梯

其二

曉岍霜林出並驄冬晴丹壑自含風遺祠想豆攀緣

日往事荆榛想像中半凍巖泉和雨斷實連山谷暗
雲通塞蘿更洗磨崖讀迴立徘徊落葉紅

補錄

秋望

黃河水遶漢宮墻河上秋風鴈幾行客子過壕追野
馬將軍韜箭射天狼黃塵古渡迷飛輓白日橫空冷
戰場聞道朔方多勇畧只今誰是郭汾陽

箋云此弇州公藝苑卮言所錄者氣調高古足
與王摩詰出塞作爭雄先生遺稿多散逸不檢
或以爲咎先生笑曰是自家物還自來噫此非

但名言亦合楞嚴還義孰謂先生不禪顧與禪
合耶

卷之三十二終

卷之三十三

北郡李夢陽撰 東莞鄧雲霄歛潘之恒蒐校

詩類七之五 七言律

潼關

題雲臺觀

榆林城

出塞

武昌

江行

泛湖

南溪秋泛三首

遊西山歸呈熊御史卓

出輝縣城望石門山其上有仙潭玉鯉

盤山道中作

遊上方寺晚登鐘樓



王孟寺北望

賢隱寺

開先寺

瀑壑晚坐

五面石

東華山贈友

龜峯寺

別龜峯

鉛山石井

鉛山陸趨宿南巖寺

自新喻馬赴新淦方等寺晚飯

快閣登眺

麻姑山

題玄壇觀

將至安仁

看廬嶽

楚望望襄中形勢

繁臺兩望和田生

大梁城東南角樓

晚過禹廟之臺

題黃公東莊草堂

少林寺

望少林次韻

宿少林次韻

暑日過雪臺子園莊

城東陂秋泛

立夏後晴遊我莊

徐將軍園亭

右次遊覽四十二首

清明下糧廳題杏花

柑至

菊

牡丹盛開羣友來看

冬至菊

王左史宅賞冬菊

乙亥春郊圃牡丹盛開聿予離茲倏爾四載實
兄蔣藝成功約客往賞屬雨發詠焉
人有送牡丹花至者與客同賦

牡丹賞歸東邊王二子

霖淫想郊園牡丹

郊園餞御史許君屬牡丹盛開

晚移席草堂再贈許君

王左史宅賞牡丹 郊園牡丹復花客往

夏日盆荷階葵芬敷率爾成句

山行見梅

公園二月梅集

梅下限韻作

賞歸憶谷園梅

詠蟬

和清明後見燕

秋日覩白雲生率爾遣興

和李大隔牆見予家海棠次其韻

同雙溪方伯詠石几

再賦

詠陶臺使蘭陽公解五色葵花

詠餅中柏限韻 為崔後渠詠萊竹亭

右次詠物二十八首

哭王舍人昇

哭亡友范副使淵其族孫進士永鑾寄其絕筆

詩到

有哀

右次傷悼三首

七言律五

凡七十三首

遊覽

潼關

咸東天險設重關閃日旌旗虎豹閒隘地黃河吞渭
水炎天白雪厭秦山舊京想像千官入餘恨逡巡六
國還滿眼非無棄繻者寄言軍吏莫噴頰

題雲臺觀

雲臺觀枕玉泉湄翠削三峯對不移窓裏山光時隱
見晚來雲氣壁淋漓醮辰絳節朝羣帝天路金童引
鳳螭頭白掃門憐弟子斲松石礙白苓滋

榆林城

旌干嫋嫋動城隅十萬連營祗為胡不見坐銷青海
箭盡言能挽繡螯弧白金獸錦非難錫鐵券貂璫莫
浪圖昨夜照天傳砲火過河新駐五單于

出塞

黃河白草莽蕭蕭青海銀州殺氣遙關塞豈無秦日

空同集 四
月將軍獨數漢嫖姚往來飲馬時尋窟弓箭行人日
在腰晨發靈州更西望賀蘭平嶂果雲霄

武昌

武昌城北大江流沱水來城鸚鵡洲楚蜀帆檣風欲
趁蛟龍濤浪暮堪愁青煙自沒漢陽郭新月故懸黃
鶴樓無限往來傷赤壁三分輕重本荊州

江行

江行日日隨風雨日日迎風帆不懸頗怪蛟龍懼出
沒更兼鷗鷺劇連翩窓開浙浙琴書濕岼轉冥冥竹
纜牽迴合萬山心目破微旋誰忍向湖煙

泛湖

匡廬彭蠡曲相連伐鼓蠻歌趁進船屏見雲橫石壁
淨鏡開日破浪花圓漁樵山澤堪時給盜賊干戈枉
自纏遣帥已添新節制指揮行見掃風煙

南溪秋泛三首

聞說南溪徑尺魚漁人何事網常虛魚行碧葦深先
見網入寒潭迴不舒東舍刈禾搖夕浦西隣決水溜
秋渠平生肉食憂空切此日臨淵意有餘

其二

乍見鷓鴣立釣磯還驚翡翠掠波飛汀葭晚宿濛濛

霧野竹晴含宛宛暉謝傳未忘舟楫興楚臣空戀芰
荷衣蒼茫水落雲泥靜悵望林翁却自歸

其三

却向林亭觀水磴暫移沙舸躡雲堆奔湍迅轂元相
激石竇桐標故不摧旋影動搖波底日斷聲吹轉地
中雷何人解識機心事後世徒矜造化才

遊西山歸呈熊御史卓

高閣開襟生遠興西山當眼更分明酒邊花樹三春
暗湖上風林盡日清憶昨並穿巖洞入只今疑繞薛
蘿行浮生擾擾非吾意去鳥悠悠空世情

出輝縣城望石門山其上有仙潭玉鯉

明星欲落開縣城千峯萬峯初雪晴源泉亂石涓涓
溢削壁孤雲裊裊生估客深穿猛虎窟樵夫習傍翠
巖行仙門屹立三潭水玉鯉空懸一線情

盤山道中作

礧道晴雲雪草春石門丹壁鬪嶙峋聞雷不羨蛟龍
起避地翻將虎豹隣少室山人虛索價壺關三老實
藏珍煙花白日經行處鴻鴈冥冥歎此身

遊上方寺晚登鐘樓

東北叢林冠此都地分清寂聚僧徒青天寶塔還今

古赤日珠光乍有無
草徑鷺乾時獨立
松林鶴並晚相呼
登樓更見河流急
歎世因悲馬負圖

王孟寺北望

在郟城縣南

暑路塵沙淹客心
晚原臺榭慰登臨
西山日抱重簷落
汝水雲移畫棟陰
盜賊兩河猶轉戰
朝廷萬載莫輕侵
懷芹欲獻江湖遠
北望徒傷北極深

賢隱寺

在信陽州

谷寺鳴鐘午未深
耽幽特與伴相尋
行穿樹杪樓臺見
坐傍山腰紫翠沉
獨響澗泉傳石竇
並飛梁燕入松陰
徘徊自笑三江客
佇望誰知萬里心

開先寺

讀書臺倚鶴鳴峯
迴合千山翠萬重
白晝懸泉喧霹靂
清秋雙劍削芙蓉
撐持古寺還雲閣
寂寞前朝自暮鐘
瑶草石壇應不死
興來真欲跨飛龍

瀑壑晚坐

醉踏匡山晚未遲
翠巖丹壑凜秋姿
峰高瀑布天齊落
峽靜星河夜倒垂
遠害欲尋麋鹿伴
暫羈終與世人辭
摩崖徧剔蒼苔讀
獨坐雲松有所思

五面石

貴溪

東華山北五面石
削成五面何嶙峋
崩崖鼠餐何代

雪陰洞苔滋千古春映日閃閃上雲氣步天渺渺昇
仙真草衣木食亦吾志放浪胡爲羈此身

東華山贈友

午時叱馭踰重險薄暮捫蘿到絕巔四海風煙落日
外萬山閩越酒杯前劇傷嶺谷旌旗滿暗憶家園道
路偏自古有人同戮力吾曹須擬太平年

龜峯寺

弋陽縣南山下寺三十二峯羅列奇最愛紫煙生石
鼎絕憐青嶂削靈芝峭崿哀壑遠人世古往今來自
鬢絲已遣野場維玉騎合留崕月照金卮

石鼎靈芝
並峯名

別龜峯

江上龜峯天下稀挈朋貪賞夜忘歸冠裳他日思丹
壑車馬平明發翠微歸路竹蘿偏拂幘出山雲氣故
隨衣杳然一笑憐踪跡自不投簪願孰違

鉛山石井

吁嗟此巖太奇古雲牙石乳相拄撐碧泉中洞晝亦
黯青草倒垂冬尚生卽令入海信誰遏祗怪出山常
底清掇促桑柘會欲落猗此可濯慙我纓

鉛山陸趨宿南巖寺

北風越南山木稀關西宮子常念歸遠烟漠漠谷日

冥前路迴迴冬燒微村春水旋疾徐應灘鴈夜驚高
下飛鐘鳴騎合巖寺近松火竹深開石扉

自新喻馬赴新淦方等寺晚飯

趨塗暝雨已忽霽入寺晚飯鳥將栖仲夏稻苗特裊
裊黃昏松桂何淒淒流年遠村換物色曠野青天悲
鼓鼙我我百丈屹在眼策馬欲攀交虎蹄

百丈山有范椹山房

快閣登眺

江上冥冥風浪生閣中清眺會儒英野舟冒險只自
渡汀鳥避人時一鳴四海登臨吾白髮萬山迴合此
孤城劇談轉切憂時念日暮浮雲况北征

麻姑山

冒險探深雲霧收麻姑山水冠南州潭深自激風雷
黑谷迴誰群鹿豕游仙女石壇殘欲沒魯公碑版斷
仍留可憐踪跡俱塵土兩瀑雲霄萬古流

題玄壇觀

江行晝靜便清暑水口山奇鎖吉安豈為天生饒怪
石遂令人擬築玄壇潭渦地轉常年黑樓閣崖懸五
月寒風牖把杯聊暫倚海蒸雲起故須看

將至安仁

安仁古岸义河濱細柳濃煙密弄春花發北山翻盜

賊眼昏南國且風塵盤渦浴鷺綠誰喜下瀨雙帆他
自親破浪會看風萬里采薇應許畢閒身

看廬嶽

春時看嶽落星洲夏來看嶽復江州獨行稔負煙霞
伴久住非貪麋鹿遊石室丹書吾異世錦屏雙劍晚
遮樓登尋擬縱涼天目一葉飄飄江漢流錦屏雙劍並峯名

楚望望襄中形勢

楚望峯頭望楚雲遙憐紫蓋紫陽君廬荒不斷盤龍
氣碑滅猶存墮淚文地轉江淮浮遠戍木同巴峽塹
雄軍里名冠蓋非吾事願訪鹿門麋

繁臺雨望和田生

感事逢時恨不稀水城寒食半花飛青郊白馬朝誰
並細雨輕帆晚自歸何計上賓留鳳馭是時有孝貞
太太后之喪
無書北狩挽龍旂是時帝
在宣府層臺獨上林翹首牢落泗
州易濕衣

大梁城東南角樓

城樓占角分孤峻野色生煙合杳冥華夏亦為元社
稷古丘曾是宋朝廷直看紫極雲霾壯背觸黃河風
浪腥日暮馮軒益愁思夷門余有少微星

晚過禹廟之臺

暮行群過禹王宮
瑟飈松林靜入風
步競石梯秋獨
健眼收沙海月
還空聲名北上
青驄客潦倒中
原白髮翁
杯酒重傷分手
地古今踪跡本
飛鴻

題黃公東莊草堂

草色通門柳覆牆
繞堂新雨足時
芳晴燭客過沾
猶濕春晝人間
覺更長拚引滿
杯聽鳥嘒願留
餘醞待花香
休誇水際兼山
際且醉松傍與
竹傍

少林寺

林深谷暝客子入
鐘鳴葉落秋山
空煙雲細裊石
澗底巒岫亂積
松窓中唐碑漢
碣薛字剝虎啼
猿嘯

燈紅獨坐悠悠
息塵想少室影
下月出東

望少林次韻

三十六峯雲氣通
何峯寺西何者
東林巖霜橫遠
亦靜煙嵐日破
重還空千山盡
歷暮轉碧一樹
不落秋能紅漸
聞鐘聲出杳靄
得路誰憐馬僕
功

宿少林次韻

萬山微暝一鐘鳴
古寺深秋倦客
情僧本折蘆翻
面壁人非騎鶴
故吹笙寒催亂
木風交響白動
虛巖月自生慚
勞勞不成寐丁
丁臥聽早樵聲

一者日過雪臺子園莊

蟬聲樹色村村似一坐君亭日每斜靜裏柴門惟燕
雀老來尊酒是桑麻年豐隣里家家麥時至園林處
處花苦熱只今憂赤土幾時龍起沛天涯

城東陂秋泛

返照孤城落木中畫船秋水坐來空影涵樓閣人齊
過香引蒹葭路轉通雲氣襲樽溫復冷笛聲將柂北
還東不須預問天邊月波上餘霞閃閃紅

立夏後晴遊我莊

郊出不知昨夜雨日高煙翠濕空林楊花欲盡村村
雪梅子先傳樹樹金笑向市城開俗眼喜從園野見

吾心繞亭奚啻千竿竹夏日黃鸝更好音

徐將軍園亭

將軍別墅今停馬五月塘池蓮半紅舉眼江山惟赤
日快人樓閣自涼風穿林竹翠沾衣滿布席葵香撲
酒空平世主人虛抱武醉來誇挽六鈞弓

詠物

清明下糧廳題杏花

清明著處花爭發一樹庭前爾獨遲不爲炎天能結
實豈應官署許生枝桃蹊李徑雖多寵撲酒飛簾自
一時已辦青錢貪酪酊合教紅蕾赴深期

柑至

丹橘黃柑世所珍年年隨貢走風塵內庭賜出人人羨
近市收來顆顆勻翻訝久藏香不逸迴疑初摘蒂猶新
金盤玉箸真誰事寂寞文園自病身

菊

虛名白髮悲霜前幽壑迴春姿閒巡獨對真憐
寒花欲贈誰官舍野堂渾一色冷風淒露漫
漸覺馨香遠萬里徒傷酒一卮

盛開羣友來看

園楊子岡西古宋原忽有芳菲妍岸

落豈期車馬駐江村憐香實怕青蘿掩在野虛愁蔓
草繁碧草春風筵席罷何人道有國花存

冬至菊

至日貪看九日花弄霜吞雪轉宜誇思將正色留天
地肯使陰陽管歲華寒蒂已包重放萼暖根應抱更
生芽書雲莫誤禎祥奏斗酒東籬自有家

王左史宅賞冬菊

菊筵元向春前約共憶霜黃薄牡丹冬日此逢香欲
暖夜堂偏醉色終寒閒居四海嗟吾賞晚歲三杯稱
爾官疎影獨枝看轉劇好添華燭近高闌

乙亥春郊園牡丹盛開幸余離茲倏爾四載
實兄蒔藝成功約客往賞屬雨發詠焉

牡丹元種無多本別久叢分鬱映杯穠劇祗宜鴿鳥
戲品增疑傍棣花開支離野圃羣葩掩杳裊春庭細
雨來高會主賓忻並健衝泥車馬莫空回

人有送牡丹花至者與客同賦

大梁城郭萬人家太半朱門競此花不爲國姿寧用
折翫傳賓手轉須嗟雙牽戲蝶臨書牖獨惹遊絲撲
釣槎我亦有園新植此往來無倦出城車

牡丹賞歸東邊王二子

非因絕代專芳品豈復郊園守後時夜靜雨姿應更
劇野寒風藥萼頻吹空齋獨憶香仍滿晴日重尋路
不遲肯擬飛觴留健筆願攀驄馬護高枝

霖淫想郊園牡丹

園途雨濘花遙阻倚杖流雲灑北郊縱使彩煙偏國
本豈逾清露足春梢卷心暗藥須時苦綠濕紅沾任
俗拋傳道魏緋纍滿眼傍株今可結遊庖

郊園餞御史許君屬牡丹盛開

曠圃風郊爾獨開國香仙色敢辭猜若先桃李名應
減縱隔城池客自來穠壓野欄張燕待餞臨官路挽

空同集
十四
驄陪萬鬚千萼非容易忍遣臺霜近酒杯

晚移席草堂再贈許君

晚坐移花酒並移几
澄窓月轉春姿情真解纜爭侵
夜意不憐香豈盡厄
洵洵野風誼樹惱冥冥波浪去
途疑亦知仙種貪行豸醉聽隣雞是別期

王左史宅賞牡丹

槐庭絃管稱春筵
草圃繁華近暮天
老爲名花扳白
放醉逢國色轉須憐
娟娟影靜金尊裏
冉冉香回玉
笛前
莫問平章舊時宅
沉香亭已入荒煙

郊園牡丹復花客往

問主尋芳客故來
百花開盡此花開
淒涼野徑堪車
馬爛熳天香只草萊
穿葉自由蜂逐逐
坐枝頻起燕
迴迴楊花暮合風
沙迴繞樹猶傾醉後杯

夏日盆荷階葵芬敷率爾成句

候及名叢每自芳
物華清暑倍年光
出波翠蓋枝枝
靜入院丹心朵朵香
向日豈期回俗眼
折筒聊得洗
詩腸不應種近榴
花奪繞檻巡池淚數行

山行見梅

長至山行梅不遲
攀條觸雨益垂垂
雲暗野橋真獨
見歲寒蜂蝶敢相欺
時心已抱調羹實
久色難銷傲

空同集 卷三十三 十一
雪姿愁在不緣鄉國亂白頭心事本同期

谷園二月梅集

江南梅花苦繁劇江北有梅花不肥春枝已矜雪後
媚玉蘂即妨風處稀金尊綺席不時賞快馬輕車堪
夜歸遙憶暗香月色動莫令遽掩東園扉

梅下限韻作

聞說仙芳每避凡託根長傍竹松巖那期野圃深隨
酒可奈風花細撲衫斜日席移春欲透步叢香起雪
猶銜歲寒朋舊今何處徙倚裁書手自織

賞歸憶谷園梅

臨梅真惜先開藥後藥吾歸應更繁藉草無愁細細
落有蜂只恐垂垂翻折曾爛熳春携袖醉記扶疎月
坐園已覺時心向桃李肯綠孤潔重迴軒

詠暉

秋來雨多涼氣深寂寞寒蟬愁暮陰幸值開晴方聽
汝不緣清切轉關心故逾叢棘沾沾入却傍高槐細
細吟曹賦僅能推感激駱詩徒亦擬同

和清明後見燕

坐棟穿簾爾亦驚紛紛紅紫徧春城羣衝海霧寒應
阻對語堂花暖却明去住溪山他日夢主賓天地世

空同集 卷三十三 十六
人情卽論遲暮心難已切恐差池恨轉生

秋日覩白雲生率爾遣興

天際遊雲白裊裊渭陽羈客淚縱橫搏風弄雨有誰
見木落秋高堪自行變幻樓臺翻有態突然龍豹轉
須驚老夫趣此欲登望怪爾輕遮翡翠城

和李大隔牆見余家海棠次其韻

種汝深愁樹不長數年今遽出吾牆臨衢幸不矜全
色隔院應難掩暗香敢向紛紛爭俗眼私憐裊裊壓
時粧臙脂強半喧蜂少倘過同傾花下觴

同雙溪方伯詠石几

栗栗天生白石几癯癯日伴白頭翁清尊淹留不斷
客灌木陰森常自風看處遽浮金玉色移來深仗鬼
神功茲須小物君堪醉取致嵩山萬翠中

再賦

確然片石我之几置之堂邊樓在東蔥芊海棠上重
綠絢爛盆榴旁小紅性含煙霞不減色光敵玉金常
吐虹老夫有時醉凭汝扣之高歌天暮風

詠陶臺使蘭陽公解五色葵花

炎天小縣葵葵好五色空庭日日香開正得時須讓
赤見宜尊禮莫欺黃交枝接葉誰爲異榮同心自

空同集 卷三十三
向陽此物煩君獻天子上林閒地草蒼茫

詠餅中柏限韻

愛汝側葉寒能青插之銅餅依石屏晝屯雲氣果不俗夜飛光芒疑有靈森聳似學鸞鳳翼屈曲已具虬龍形更欲移栽萬仞嶺待與松桂凌冥冥

爲崔後渠詠菘竹亭

崔家孤亭萬竹裏繞牕栗栗青琅玕結實當春風不餒託根有地龍且蟠霜風飄蕭起空谷美人翠袖生暮寒彼淇盈盈一水隔望而不見徒自歎

傷悼

哭王舍人昇

金門鐘動會千官野老騎驢戴鶡冠走問常州王內舍昨朝客死漢長安悄然門巷賓朋絕道邁家鄉行路難即使過君終挂劍肯令捫腹竟回鞍

哭亡友范副使淵其族孫進士永鑿寄其絕

筆詩到

憶在先朝侍聖顏珮聲齊散紫宸班傷心晝省分官地並馬西湖舊看山絕命祗傳詞爛熳竄身誰述路間關江門墓近湘流咽拱木黃昏鳥雀還

有哀

空同集 卷之三十三終
漢陰丈人甘灌園海上漁翁非避喧零亂春鷗橫夕
浦萋迷煙草入秋原祗將華髮悲人世不使黃金怨
子孫思向桂山歌偃蹇月明天碧况聞猿

卷之三十三終

空同子集

卷之三十四

北郡李夢陽撰 東莞鄧雲霄歛潘之恒蒐校
詩類八之一 五言絕句

神京樂四首

望南城

晚出禁闥二首

東華門偶述

右次大禮八首

采蓮曲

大堤曲

豔曲二首

春曲二首

楊白花二首

相和歌

月夜吟

九月見花

聞笛

曙

望浦煙

九日京中

正月見鴈

出郭

野望

晚出大堤姪葉來迓

石頭口竹飲

南康元日

龍沙晚行

聞夜笛

龍沙見新月

村夜三首

晚燒吟

黃河水二首

右次感述三十首

宿蘇門

是夜雨

泉上獨酌二首

黃州二首

鄱陽歌

雙泉寺題壁二首

書院

白塔寺

上方寺

釣臺

白鹿洞

聖澤泉

枕流橋

風雲石

門前溪

迴流山

井

開先寺五首

宿開先寺

歸宗寺王右軍故居

吳溪

望龜峰

江行雜詩七首

新庄漫興四首

紫霞洞主歌五首

田園詩五首

右次游覽五十首

寄徐子二首

贈何舍人

寄都主事穆

送余客

送人

贈客

過夏口寄惲君

諸公石頭口舟餞

寄黃子廣東

潯陽寄耿叅政致仕

送鄭生

送人赴舉

贈王左史二首

贈劉東

戲鄭生求歐帖看

送酒鄭生

送王化北行二首

觀袁永之樂府戲裁子夜歌二首寄之

右次贈答二十二首

詠李花

詠鷺

獲麕

饋雁

花鴨

鶯曉

詠螢

名花

詠獄雜物八首

詠瀟湘八首

寄詠徐學士園詩一十四首

右次雜詠三十八首

五言絕句

九一百四十八首

大禮

神京樂

薊谷襟東海居庸鎖北門王者本無外天險壯乾坤

其二

天回金氣合星順玉衡平雲上翡翠殿日麗鳳凰城

其三

鐘鳴長樂館樂奏未央宮壽域皇圖迥鈎陳紫極通

其四

衛霍千城舊伊夔鼎新萬年天子壽四海一家春

望南城

南內夕煙歛玉樓春望空禁籞年年鎖園禽巢殿中

晚出禁闈

楊柳南城道芙蓉小苑通內使來調馬君王勅射熊

其二

夾城雲氣夕露掌隱金盤楊花白雪亂風起滿長安

東華門偶述

銀甕爛生光盤龍繡袂香但知從內出不省賜餼王

感述

采蓮曲

白鷺青天映紅妝綠水遙笑語荷花裏爭蕩木蘭橈

大堤曲

臘月大堤邊春風思宛然楊枝搖白日煙色裊金鞭

豔曲

盈盈綺闥女生長不知春開窓見百結背面掩羅巾

其二

父母愛少女女是聰明子生不識鴛鴦繡出鴛鴦是

春曲

春風度山閣凭軒望江路簾動時有香衣不見花開處

其二

翩翩誰家燕銜泥向何所避人花叢裏忽復梁間語

楊白花

三月大路旁綠楊美芳春可憐雪白花來往送行人

其二

寧唱采菱曲休歌楊白花菱生猶有蒂花去落誰家

相和歌

美人羅帶長風吹不到地低頭采玉簪頭上玉簪墜

月夜吟

月出東方高刺刺燈下語漂搖林中籜淅淅如寒雨

九月見花

長安桃李樹秋晚復花枝九陌寒煙裏無風自落時

聞笛

白日挂雲間誰家玉笛吹楊柳落葉滿關山

曙

城雲白欲曙沙月上猶殘獨步憐紅葉空庭玉露團

望浦煙

客愁何處落滌滌冬浦煙日出浦煙歇客愁還復然

九日京中

白雁獨橫秋黃花伴醉遊眼看風物換愁殺竹宣樓

正月見雁

憶昨辭京邑相隨南雁歸如何早春日獨見北鴻飛

出部

出郭携尊屢尋園步屨遲莫言春事晚猶是百花時

野望

夕靜山容歛秋凝野色寡白雲留絕巘蒼霧隔前溪

晚出大堤姪葉來迓

裊裊綠楊西雙翻碧玉蹄何由識小院為聽紫駟嘶

石頭口竹飲

白日竹林中隕然脫巾醉風吹亂葉響醒看江日墜

南康元日

此日故鄉酒應憐千里遠是處萋萋草王孫歸不歸

龍沙晚行

晚風度疎松琳琅動仙闕迴波濛明沙錯認地上月

聞夜笛

五月梅花落羈覓羌笛驚孰能風月夜更聽隴頭清

龍沙見新月

每訝沙如月龍蟠作後山如何今夜月却又學沙彎

村夜

萬物既有息我亦中林卧雲開迴水白地閃飛星過

其二

清林不知暑一覺羣雞鳴野曠氣森颼天空夜虛明

其三

霞明鳥聲起行人語中路微微林下風泫泫花上露

晚燒吟

早燒不出門晚燒行千里達人貴知時天道有終始

黃河水

黃河一夜冰日光慘不發安得萬里鞭白馬美晴雪

其二

夜冰白莽莽風來但飛沙梁園一夜雪枯樹皆梅花

游覽

宿蘇門

朝發陽武城暮宿蘇門里卧聽青山鐘遙在白雲裏

是夜雨

北風吹山雲不見山上月蘇門一夜雨千峰盡成雪

泉上獨酌

湧金亭畔路細雨不思迴獨酌看流水山花映酒杯

其二

白石誰家瀨輕鷗二月湍踏歌逢衛女風景似長干

黃州

浩浩長江水黃州那箇邊岍迴山一轉船到堞樓前

其二

日落清江遠光搖赤壁山無人說吳魏來往釣舟閒

鄱陽歌

漢水亦太急江渾只恁流何如彭蠡澤清瑩解人愁

雙泉寺題壁

寺僻無人行夜雨長秋草山僧出迎客落葉不曾掃

其二

我管寺中遊題詩在東壁三年不見僧見之頭半白

書院

書院今人蹟繁臺古代名樓花畚入燕塔樹不巢鶯

白塔寺

遙訪青蓮宇相將白塔原春風亦自動爭奈碧莎繁
上方寺

飲罷塔廊坐塔深蘿葉垂欲枕石頭卧時有清風吹

釣臺

終日釣石坐清波閒我鈎擲竿望山月回見衆魚遊

白鹿洞

白鹿管成羣鹿去誰復來樵子暮行下洞中雲自開

聖澤泉

嗚鳴山泉日日噴悲壑日照一匹練空中萬珠落

枕流橋

峽急豈有心臨橋石相激鷺鷥橋上聽夕陽人獨立

風亭石

倚崖坐孤石北對五老峰中有千尺虹挂斷巖上松

門前溪

山溪信清淺入海作洪波果向地中轉應隨天上河

迴流山

登山眺四極一坐日每夕行看夜來遜苔上有鹿跡

井

新穿崖下井微霞映深靜松風時來拂娜娜匡岳影
開先寺

瀑峽生煙暝山杯坐不歸籠燈過潭水疑有玉龍飛
其二

潭色何所似黛玉空人心可道清見底龍蟠不在深
其三

瀑布半天上飛響落人間莫言此潭小搖動匡廬山
其四

垂垂千仞瀑隨風下山去吹作半天雨飄散不知處
其五

飛瀑湧寒峽流雲靜幽壑夕日倒峰影杯中雙劍落
宿開先寺

僧閣暮鐘靜夏涼風色幽月出照瀑布猿啼西澗流
歸宗寺王右軍故居

夕日照何寺夏雷喧此峰惆悵管人去空餘山澗松
吳溪

三年作楚客五月度吳溪日射桃花嶺松陰鷓鴣啼
望龜峰

龜峰歸遇雨徹夜鳴不歇起望昨遊處惟見滿山雪
江行雜詩

十八灘都盡舟人慣不勞可言灘石險難測是平濤

其二

及壘中江石衝濤萬古存遙看疑砥柱偶問識銅盆

其三

日月東西照支江南北流鷺飛如導鵠橫吹不驚鷗

其四

迎送山相似舟移迷北南回看阜口日已照石華潭

其五

錫洲潭古怪攸鎮驛幽絕四圍青山映鷺棲滿林雪

其六

日出青蘋濕江渾路不分昨宵驅雨至知是海南雲

其七

落日沒前灘雲移鳥欲還除巾不卽卧恐遇絕奇山

新莊湯興

昨來杏花紅今來棟花赤一花復一花坐見歲年易

其二

出城每自醉斜陽坐芳草黃鸝枝上鳴花落有風掃

其三

逕樹團成蓋原草綠如翦盈盈車馬客時來弄春醖

其四

未有此莊時對酒無處飲今來莊上遊却恨酒杯緊

紫霞洞主歌

朝霞弄海色閃爍如金蛇回光照巖洞駕我青鸞車

其二

雲洞窈窕行覓石髓食粃粃古苔上有書字不識

其三

丹霞熨朝旭桂葉一何芾中有騎鶴人下上隨雲氣

其四

朝餐赤城氣暮攬羅浮色常有瑤草花寒至不曾識

其五

石泉嫋長蘿煙翠滿山室忽聞空中音幽人弄瑤瑟

田園詩

暑日郊出頻野意差日適鴉雀閒繁陰榴葵乃炎赤

其二

初日暑力薄單車歷城曲隍颺卷蜻蜓荷帶舒復促

其三

掘塹不數尺及泉水忽湧誰爲辦佳藕我今畜魚種

其四

淤泥獲拳卵蛇龍誰卽分夜看置頓處似有五色雲

其五

空同集 卷三十四 三
園荒蒿藿長手鋤薙其穢那解翦蔚區中有吐芳蕙

贈答

寄徐子

紫閣朝回夜金尊月映空祇應徐進士遙憶李郎中

其二

東省堂前樹南陽宅裏花春風如往日夜月向誰家

贈何舍人

朝逢康王城暮送大堤口相對無一言含悽各分手

寄都王事穆

江草喚愁生思君黃鳥鳴遙心將夜月同滿園問城

送舍客

自寄還家信閨人數月圓住近沙溪口終日問來船

送人

頗訝楓林赤無風葉自鳴來人與歸客同聽不同情

贈客

出鄣江南望暮天雲北飛斷蓬寒更轉長路幾人歸

過夏口寄惲君

君居楚城裏我傍楚城過相思連夜發無柰是江波

諸公石頭口舟餞

北巡察案合舟餞此江潯晚別隔煙浦猶聞橫吹音

寄黃子廣東

昨遊梅嶺畔翹望嶺南雲
恰屬梅黃日何由攀贈君

潯陽寄耿叅政致仕

連年早濕地無日不思歸
况在潯陽見君帆獨北飛

送鄭生

桃花浪初起三月爾江南
萬樹垂楊色相留照暮酣

送人赴舉

寶劍動連星金鞍別馬鳴
待將五色筆奪取錦標名

贈王左史

林卧每倦出時或一乘馬來訪
王相國醉歸月明下

其二

君家百甕酒留連胡不飲
花月我自來醉卽花間寢

贈劉東

洎濱三月時花滿扶亭道
翩翩白馬歸青袍亂芳草

戲鄭生求歐帖看

徽州鄭季子動輒古人師
昨特衝秋雨因來問墨碑

送酒鄭生

旅食沙林暮年華北雁春
誰憐竹葉餉同是采薇人

送王生北行

紫轡銀鞍馬青袍白面郎
揚鞭萬里去謁帝入明光

其二

朝散午門西春風起御堤上林花半發幾處早鶯啼
觀袁永之樂府戲裁子夜歌寄之

為問閭門柳年來青若何館娃明月夜醉擁越兒歌

其二

日暖春波綠湖平一鏡天船船載歌舞爭向綠楊邊

雜詠

詠李花

城東萬李樹此樹獨鮮奇竟日風開落無人誰得知

詠鷺

獨立始知鷺驚人離石磯遙看一片雪深映碧山飛

獲麋

小麋何處得出山今幾時笑爾深藏晚無言獵者知

饋雁

失却風雲翅來遊君子門未辭弋客慕終荷主人恩

花鴨

花鴨靜雲衣娟娟春草依臨池振頸卧夢拂楚雲飛

鶯曉

曉曉夢中迷流鶯碧樹西起來紅日照已度別枝啼

詠螢

空同集
葉暗輝輝度孤明炯自知月臨光不掩星亂影須疑

名花

名花似美人娉婷代應絕夕陽時獨立風起滿林雪

詠獄雜物

炭篋盆架

編荆爲團籠本以貯木炭今匪用炭時聊以助吾盥

砂鍋盆

砂鍋注清泠洗面還洗心其器苟不潔徒稱玉與金

船板牀

船板胡在茲而我寢其上情知非江湖夢寐亦風浪

輓枕

盧生枕竅中哀樂竟何用我枕城輓卧無竅亦無夢

蘆蓆几

古人席地坐飲食俱在茲今人設高几翻謂古人卑

坏墩

晨興坐茲譚而亦坐茲食爲言同寓子尚念埴者力

麻繩椀

何以架我衣麻繩撐兩柱諒有解脫心與子同一處

葛衫帳

酷暑睡不穩解衫周四圍但阻蚊蟲入無遮明月輝

詠瀟湘八首

漁村夕照

西暘下洞庭網集清潭上一丈黃金鱗可見不可網

山寺晚鐘

美人杳何處盈盈隔秋水遥遥雲外鐘日落暮山紫

平沙落雁

西風萬里雁一葉洞庭秋羣浴金沙軟瀟湘霜氣流

江天暮雪

長江浪滾雪煙黑花爭飛可怪橫流者孤舟一笠歸

洞庭秋月

天水本自空圓月况秋映晶晶起霜色千里一懸鏡

瀟湘夜雨

夜響起秋竹浩浩楚雲白曉來看沙觜新水添一尺

遠浦歸帆

秋風五兩席點點聚復散不信小小烏飛飛速征雁

山市晴嵐

峰晴堆夜嵐晨炊翠猶濕但聞山鳥鳴不見鳥出入

寄詠徐學士園詩

薜荔園

芳園薜荔水石非人間咎聞西洞庭今爲學士山

恩樂堂

肯堂欽古訓修祀報前功酌洞歌行潦采蘋遵石風

石假山

磊竒成我山雲氣遠裊裊衣水卽冥渤拳石是蓬島

水鑑樓

風吹池萍開天空水如鏡幽人時凭闌下看行雲影

風竹軒

吾軒自有竹暑月常寒聲山靜無風時滿林空翠生

蕉石亭

看石忽有詩攀蕉書其上夜來雨打葉驚聞金石響

觀畊臺

洞庭有興雲太湖無落波登臺問農者不勤將如何

薔薇洞

洞口薔薇密石花壓雲濕曉采枝上露不知鶴飛出

荷池

山風吹水香脫巾池上坐坐千歲龜飛上荷葉卧

柏屏

堂堂千尺材爲屏忍屈曲終抱凌雲情不改歲寒綠

留月峰

峰竒自成竅似月非有心月來爾何意徘徊光與深

通冷橋

雨過崖水響石梁
峩山澗晴天挂一虹
溪斷雲不斷

花源

落英泛流水
點點如飄霞
爲有問津者
不敢種桃花

釣磯

磯根浸寒水
細草綠如髮

不受餌
石上坐
三月

空同子集

卷之三十四

